

BREGA - a gh'è da bon ad lanc! e dla roba i gnan trat zù... vegna zò anca un paracadutista! con un valiseta... e po' l'è stà un po' ad dè al Cumand... noi poi andum a Montvintan, a Montvintan un bel dì disan con Muro... a gh'era al paracadutista, saris da purtal a Milan!

CARRA' - a Milan? porca miseria...

BREGA - però con una via strana... gh'è da pasà ver Cremona... elura ho it...in chi di s'erma in pochi a Montvintan, g'ho dit "Muro guai mì"... elura sto paracadutista a la portan, a Montvintan, stà lì un dì o du, poi sum mis d'acordi con du biciclet e sum andà... m'ricord l'ho purtà a Casalbuttano, e l m'ha dit...

CARRA' - s'era vistì in burghes?

BREGA - no burghes burghes

CARRA' - ---*incomprensibile*---

BREGA - burghes, da parì burghes, tam mì che lu...mì da dnans in biciclet, e lu treinta o quaranta metar che 'l ma curava par la strà e gh'era drè... met in sla biciclet, una tesera dla pulisia falsa, che gl'ava in sla cogia mì... mia d'arm però... elura "Muro ma fumia? a purtà chilù" e 'l m'ha dit "mi t'mand da di me pareint a Olza, che l'è in riva a Po"... Olsa l'è in riva a Po l'ha dit "ti t'vè fein lamò, l'è facil andag... po' ta fè traghetà, e po' cerca d'arivà a Casalbutan par di strà, a una casceina grosa". A gh'era un pareint di Ricci Oddi, ch'eran pareint, a Casalbuttano. Elura... e sum arivà in du dì eh! glien du dì, in biciclet ---*incomprensibile*--- strà d'campagna... beh a Olza g'riv... a l'è sut sira... e vag dmand, dmand, dmand in riva a l'argin e zì, la truum una casceina... i m'han dat da doram i pareint ad Muro. Um durmì lamò, lu col la sò valiseta, mi anca mì... e pò i m'han dit "adman matein truum da dlà". E l'è che la mateina a so gnan se suma stà, sum scapà via subit, a s'erma in pieno ad un deposit ad tudesc! (*risate*) so pareint! e tut inturan i gh'eran di fust ad benzina tudesca con di tudesc!

CARRA' - dai!

BREGA - mi sò come l'ho fat ad arivag... bei um durmì, po' invece dl'urari...

CARRA' - iv anticipà...

BREGA - i m'han trat ataca...

MAGNANI - ma tl'avan mia dit chilur che non era agibile?

BREGA - e ml'han bei dit quand sum arivà in cà! ma sa fiv chimò? "mi m'manda so cusein tal dei tal" g'ho it "g'ava un nos pareint da purtà da dlà" g'ho dit... "sì noi g'ha purtuma ma chimò gh'è pien da tudesc!" m'han dit "chimò l'è un deposit!". Elura avrò durmì un ureta ma g'ho dit po' "uservum mia l'urari chi m'tragan da dlà!" e m'g'han trat e gl'ho purtà, gl'ho purtà a Casalbutan... poi ho pù savì gneint, da Casalbutan poi...

MAGNANI - e a chi l'hai consegnato là?

BREGA - a quella famiglia lì... erano agricoltori che eran parenti ad Ricci Oddi... lur forse i savan du g'ava da andà

CARRA' - era un passaggio...

BREGA - era un passaggio, perché cullì l'ava da andà a Milan... che po' g'ariverà? n'sum interesà...

CARRA' - ---*incomprensibile*---

BREGA - la vil rus grand... so mia...

CARRA' - e lu g'ava una certa mision...

BREGA - lu g'ava drè una radiotrasmissione... mi 'l so mia, g'ava da cumunicà... g'ava una radiotrasmissione...

MAGNANI - adesso mi sfugge il nome, ma costui c'è ancora...

BREGA - ah no lo so!

CARRA' - è un italiano eh?

MAGNANI - sì sì!